

南北史合注

欽定四庫全書

南北史合注卷十七

明 李清 撰

列傳第六

南史十七

王鎮惡

沈田子 林子

朱齡石 弟起石

毛修之 孫惡素

傅弘之

朱修之

王玄謨

子瑒 從弟玄象 玄懿

王鎮惡北海劇人祖猛仕秦王苻堅任兼將相父體為  
河東太守鎮惡以五月生家人以俗忌欲令出繼疎宗  
猛曰此非常兒昔孟嘗君惡月生而相齊是兒將興吾  
門矣故名為鎮惡年十三而苻氏敗寓食黿池人李方  
家方遇之善謂方曰若遭英雄主要取萬戶侯當厚相  
報方曰君丞相孫人材如此何患不富貴至時願見用  
為本縣令足矣後隨叔父曜歸晉容荊州頗讀讀子兵  
書喜論軍國大事騎射非長而從橫善果斷宋武伐廣

固鎮惡時為天門郡臨澧令人或薦之宋武召與語異焉因留宿旦謂諸佐曰鎮惡王猛孫所謂將門有將即以署前部賊曹拒盧循有功宋武謀殺劉毅鎮惡曰公若有事西楚請給百舸為前驅及西討轉鎮惡參軍事使率龍驤將軍蒯思百舸前發鎮惡受命

宋書載武帝命曰若殺知吾上政當岸上作軍未便下舟卿至彼時可擊便燒其船艦且浮舸水則以待吾至先慰勞百姓并宣詔旨赦文罪止一人餘一無

所問若賊不知消息可襲便襲今去但云劉兗州上  
便晝夜兼行揚聲劉兗州上殺謂為信不知見襲鎮惡  
去江陵城二十里舍船步上蒯思軍在前鎮惡次之舸  
留一二人對舸岸上豎六七旗下安一鼓語所留曰計  
我將至城便長嚴令後有大軍狀又分隊在後令火江  
津舟鎮惡徑前襲城語前軍若有問者但云劉兗州至  
津戍及百姓皆言劉藩實上晏然不疑將至城遂殺去  
將朱顯之馳前問藩所在軍人荅云在後及至軍後不

不見藩又望見江津船艦被焚而鼓聲甚盛知非藩上  
便躍馬告毅令閉城門鎮惡亦馳進得入城

宋書曰門猶未及下閤因得開城東門大城內毅凡  
有八隊帶甲千餘已得戒嚴劉思入東門便北回擊  
射堂前攻金城東門鎮惡入東門便直擊金城西門  
軍分攻金城內東從舊將猶有六隊千餘人西將及  
龍細直吏快手復有二千餘人食時就門至中晡西  
人退散及歸降

便因風放火焚大城南門及東門又遣人以詔及赦并武帝手書凡三函示毅毅皆焚不視金城內亦未信帝自來

宋書曰有王桓者家在江陵曾手斬桓譙至是卒十餘人助鎮惡戰下晡間於金城東門北三十步鑿城作一穴桓先衆入穴鎮惡繼其後隨者稍多

及短兵接戰鎮惡軍人與毅下將或是父兄子弟中表親親且聞且語知武帝在後人情離懈

宋書曰毅前陣散潰在右兵猶閉東西閤拒戰鎮惡  
慮闇夜自相傷犯乃引軍出繞金城開其南面以為  
退路毅慮南有伏三更後率左右開北門突出

初毅常所乘馬在城外不得入倉卒無馬使就子肅取  
馬肅不與朱顯之謂曰人取汝父而惜馬汝走欲何之  
奪馬授毅從大城東城出奔牛牧佛寺自縊鎮惡身被  
五矢手所執稍於手中破折江陵平後二十日大軍方  
至以功封漢壽縣子



宋書曰司馬體之遣其將朱襄助鎮惡討蠻會高祖  
西攻體之鎮惡率軍夜下江水迅條忽數百里既至  
都尉治乃以竹籠盛石堙塞水道襄軍下夾岸擊之  
斬襄殺千餘人鎮惡貪破襄後停軍掠諸蠻不時反  
及至體之已平高祖怒不時見之尋喚至隨宜酬應  
乃釋

及宋武北伐為鎮西諮議行龍驤將軍領前鋒將發前  
將軍劉穆之謂曰昔晉文王委蜀於鄧艾今亦委卿以

關中卿其勉之鎮惡曰吾等因託風雲並蒙抽擢今咸陽不誓不濟江三秦若定而公九錫不至亦卿責矣矣鎮惡入賊境戰無不捷破虎牢及栢谷塢進次渑池造故人李方家升堂見母辱加酬酢即授方電池令方執長歐徑據潼關將士乏食乃親到弘農督土民租民競送義粟軍食復振初宋武與鎮惡等期若克洛陽須待大軍未可輕前既而鎮惡等至潼關為姚泓大將軍姚紹所拒不得進馳告宋武求糧援不得進入河魏軍屯

河岸軍不得進宋武呼所遣人開舫北戶指河上軍示之曰我語令勿進而輕佻深入岸上如此何由得遣軍鎮惡既得義祖紹又病死其撫軍將軍姚讚代紹守險惡力猶甚宋武至湖城讚引退大軍次潼關謀進取計鎮惡請率水軍自河入渭真至渭橋鎮惡所乘皆蒙衝小艦行舟者悉在艦內泝渭而進艦外不見有行船人土土素無舟楫莫不驚為神鎮惡既至令將士食畢便素登舟岸渭月流急諸艦悉逐流去鎮惡撫士卒曰吾

屬並江南此為長安城北門外去家萬里而舫乘衣糧  
糧並已逐流今進戰而勝則功名俱顯不勝則骸骨無  
他岐矣惟宜死戰可立大功乃身先士卒

宋書曰衆亦知無退路莫不騰踊爭先泓衆一時奔  
潰

即陷長安城城內六萬餘戶鎮惡撫慰初附號令嚴肅  
乃於灊上奉迎宋武勞之曰成吾霸業者真卿也謝曰  
此明公之威諸將之力宋武笑曰卿欲學馮異耶時關

中豐全鎮惡性貪收斂子女玉帛不可勝計宋武以其功大不問時有言鎮惡藏姚泓偽輦有異志宋武使覘之知鎮惡別取飾輦金銀棄輦垣側宋武乃安因留二子桂陽公義真將軍雍秦二州刺史鎮長安鎮惡以征鹵將軍領安西司馬馮翊太守委以扞禦之任及大軍東還夏主赫連勃勃逼北地義真遣中兵參軍沈田子拒之鹵甚盛田子退屯劉因堡遣使還報鎮惡鎮惡對田子使謂安西長史王修曰公以十歲兒付吾等當共

思竭刀今擁兵不進由何由得平使反言之田子甚惧  
王猛之相符堅也北人以方諸葛亮入關之功又鎮惡  
為首時深憚之田子曉柳之捷風震三輔而與鎮惡爭  
功宋武將歸留田子與鎮惡私謂田子曰鍾衛不得遂  
其亂者為有衛瓘等曰語曰猛虎不如羣狐卿等十餘  
人何惧王鎮惡故二人常有猜心時鎮惡師於涇上與  
田子俱會傅弘之壘田子求屏人因斬之幕下并兄基  
弟鴻尊淵從弟昭朗凡七人弘之奔告義真義真率王

智王修被甲登橫門以察其變俄田子至言鎮惡反修  
執田子以專戮斬焉是歲義熙十年年正月十五日也  
宋書載武帝表曰故安西司馬從鹵將軍鎮惡志節  
亮直機畧明舉荆南構縈勢據上流難興強藩憂煎  
內侮鎮惡輕舟先邁神兵電臨肝食之虞一朝霧散  
及王師西伐有事中原長驅洛陽肅清湖陝入渭之  
捷指揮無前遂廓定咸陽俘執偽后西鹵遊魂魂冠  
掠渭北統率衆軍輝威撲討賊既奔命還次涇上沈

子忽發狂易奄加及害忠勤勤未究痛惜兼至田子  
既已備憲鎮惡宜蒙追寵顧勅有司議其褒贈

追贈左將軍青州刺史及帝受命追封龍陽縣侯謚曰  
北傅國至曾孫叔齊受禪國除

沈子田字敬光吳興武康人父穆夫晉時孫思作亂以  
穆夫為將軍思平得遷為宗人沈預以夙蒙首造遂被  
誅惟田子與兄弟獲全田子從宋武克京城進平康建  
鄴參鎮軍事宋武北伐廣田子領偏師與龍驤將軍軍



孟龍符為前鋒龍符戰沒田子力戰破之及盧循逼都  
宋武遺田田子與建威將軍孫季高由海道襲破廣州  
宋書曰循還廣州圍季高由海道襲破危謂右將軍  
劉藩曰廣州雖險固本賊巢穴今循圍之或有內變  
且季高衆力寡弱不能持久下官與季高同厯難難  
泛滄海於萬死克平廣州豈可坐視圍逼於是率兵  
南還季高時為賊圍困單守危迫聞田子忽至大喜  
田子乃背水結陣身先士卒一戰破之尋季高病沒

山賊攻沒城郭田子隨宜討伐旬日平殄

遷除太尉叅軍淮陵內史賜爵都鄉侯義熙八年從討  
劉毅十年從討司馬休之除振武將軍扶風太守十二  
年宋武北伐田子與順陽太守傅弘之各領別軍從武  
關入屯據青泥秦主姚泓將自禦大軍盧田子襲其後  
欲先平田子然後傾國東出乃率步騎數萬奄至青泥  
田子本為疑兵所領裁數百欲擊之傅弘之曰彼衆我  
寡難可與敵田子曰師貴用奇不必在衆弘又固執田

子曰衆寡相傾勢不兩立若使賊圍既固人情喪沮事便去矣及其未整薄之必克所謂先人有奪人之志也便獨率所領鼓譟而進合圍數重

宋書載田子憇士卒曰諸軍損親戚墳墓出矢石間正希今日耳封侯之業其在此乎

田子乃棄糧毀毀躬勤士卒前後奮擊所向摧陷所領江東勇士便習短兵鼓譟奔之泓衆一時潰散殺萬餘人得泓偽乘輿服御武帝表言其狀長安既平宋武璣

於文昌殿舉酒賜田子曰咸陽之平卿之功也即以咸陽相賞

宋書載田子謝曰此聖畧所振武臣效節田子何力之有

即授咸陽始平二郡太守大軍既還桂陽公義真留鎮長安以田子為安西中兵參軍龍驤將軍始平太子時夏主赫連勃勃來寇田子與安西司馬王鎮惡俱出北地禦之初宋武將還田子及傅弘之等並以鎮惡家在北

關中不可保信屢言之宋武曰今留卿文武將士精兵  
萬人彼若欲為不善政足自滅耳勿復多言及俱出地  
地論者謂鎮惡欲書殺諸南人以數十人送義真南還  
因據關中反

宋書曰田子與弘之謀矯高祖命誅之并力破勅勅  
安關中然後南還謝罪

田子乃於弘之營內請鎮惡計事使宗人敬仁於坐殺  
之車左右數十人自歸義真長史王修收殺田子於長

安業倉門外是歲十五年正月十五日也武帝表天子  
以田子卒發狂易菴害忠良不深罪也弟林子字敬士  
少有大度年數歲隨王父在京口王恭見而奇之曰此  
兒王子師之流也嘗與衆人共見遺寶咸爭趨之林子  
直去不顧年十三遇家禍

宋書曰時雖逃竄晝夜哀號母王氏止之林子曰家  
門酷橫無復假日之心直以至仇未復且苟存耳

既門陷妖黨兄弟並應從誅而沈預家甚強富志相陷

滅林子兄弟沉伏山澤無所投厝會孫恩屢出會稽宋武帝致討林子乃自歸陳情率老弱歸罪請命

宋書曰時諸將東討會稽咸縱其下鹵掠獨高祖軍政嚴明無所侵犯林子及自歸

因流涕哽咽三軍為感動宋武甚奇之乃載以別舟遂盡室移京分宅給焉林子博覽衆書留心文義從乃克京城進平都邑時年十八身長七尺五沈沈預虞林子林害常被甲持戈至是林子與兄田子報東報讎五月

夏節日至預方大集會子弟盈堂林子兄弟挺身直入  
斬預首男女無論長幼悉屠之以預首祭父祖墓及宋  
武為揚州辟為從事領建熙令封資中縣五等候從伐  
墓容超平盧循並著軍功

宋書曰林子從伐鮮卑行忝鎮軍軍事大軍於臨朐  
交戰賊遣虎班突騎馳軍後林子率精兵東西奮擊  
皆大破之廣固既平而盧循奄至初循之下也廣固  
未拔循潛遣使結林子即密白高祖高祖還自廣固



謂林子曰昔魏武在官渡汝充之士多懷二心惟李  
通獨斷大義古今一也循至蔡州貴遊之徒皆議遠  
徙惟林子請移家京邑高祖怪而問之對曰耿純盡  
室從戎李典舉宗居魏林子才非古人然思思一也  
高祖稱善時林子領別軍於石頭屢戰摧循循揚聲  
當悉衆於白石步上而設伏南岸林子揣其妖詐未  
未有實及大軍既去賊果上徐亦特將擊之林子曰  
賊聲往白石而屢來挑戰其情可知賊養銳待期而

吾衆不盈二旅難以有功令拒守此險足以自固亦  
特以賊衆向白石留者必加老弱便鼓譟而出賊伏  
兵齊發赤特果敗棄軍奔北岸林子率軍收赤特散  
兵進戰破之徐道覆乃更上銳卒沿塘數里林子曰  
賊沿塘結陣戰者不過一隊今我據津扼要彼雖銳  
師數里不敢過而東必也乃斷塘而閉會朱齡石救  
至賊乃散走

後從征劉毅參太尉軍事復從討司馬休之宋武每征

討林子職推鋒居前時賊黨郭亮之招集蠻晉七據武陵武陵太守王鎮惡出奔林子率軍討之斬亮之於七里澗而納鎮惡武陵既平復討魯軌棄石城軌棄衆走襄陽復追躡之襄陽既定權留守江陵宋武伐姚泓復參征西軍事加建武將軍統軍為前鋒從汴入河

宋書曰時襄邑降人董神虎有義兵千餘人祖敬綏懷初附即板為大尉參軍領兵從戎林子率袖虎攻食垣克之神虎伐其攻徑還襄邑林子軍至殺神虎

而撫其衆

泓并州敎史河東太守尹昭據蒲坂林子於陝城與寇  
軍糧道濟同攻蒲坂龍驤王鎮惡攻潼關姚泓聞大軍  
至遣其東平公姚紹爭據潼關林子謂道濟曰

宋書載林子言曰今蒲坂城堅池深非旬日可拔攻  
之則士卒傷守之則引日久不如棄之還援潼關

潼關天阻所謂刑勝之地鎮惡孤軍勢危力屈若使姚  
紹據之則難圖也及其未至當并力爭之若潼關事捷

欽定四庫全書

卷十七

前元史金注

古

尹昭不可戰而服道濟從之及至紹舉關右之衆設重  
圍林子子及道濟鎮惡等道濟欲欲渡河避其鋒或欲  
棄輜重還赴宋武林子按劍曰

宋書載林言言曰相公志清六合許洛已平關右將  
定事之濟否所係前鋒今捨已捷之形棄垂成之業  
大軍尚遠賊衆方盛雖求還豈可復得

下官今日之事自為將軍辦之然二三君子或同業艱  
難或荷恩罔極以此退撓何以見相公旗鼓邪塞井焚

舍示無全志率麾下數百人犯其西北紹衆小靡乘其  
亂薄之紹大潰得酋千數悉獲紹器械資實時諸將破  
賊皆多其首級而林子獻捷書至每以實聞宋武問故  
林子曰王者之師本有征無戰豈可復增張酋獲以示  
誇誕昔魏尚以盈級受罰此亦後乘之良轍也宋武曰  
所望於紹初紹退走還近城城留其武衛將軍姚鸞精  
兵守險林子銜枚夜襲即屠其城剽鷙而坑其衆紹獲  
遣撫軍將軍姚讚將兵屯河上林子連破之紹又遣長

史姚伯子等屯據九泉憑河固險以絕糧援宋武復遣  
林子累戰

宋書曰高祖以通津阻要兵糧所急復遣林子爭據  
河源林子卷甲進討

大破之即斬伯子與三將所俘獲悉以還紹使知王使  
之弘紹志節沉勇林子海戰輒勝白武帝曰姚紹氣蓋  
關右而力勢屈但恐凶命先盡不得以蒙齊斧爾尋再  
紹疽發背死武帝以林子言驗賜書嘉美之譔統後軍

復襲林子林子禦之連戰俱捷帝至閔卿泓掃境內兵  
屯曉柳時田子自武關北入屯軍藍田泓自率大眾攻  
之宋武盧衆寡不敢進林子步自秦嶺以相接援北至  
泓已破走田子欲窮追進取長安林子止之曰往取長  
安如指掌爾復克賊城便為獨成一國不賞之功也田  
子乃止林子威鎮關中豪右望風請附宋武以林子田  
子綏畧有方頻賜書褒美并令深慰納之長安既平姚  
氏十餘萬口西奔隴上林子追討至寨婦水轉聞至槐



黑大軍東歸林子領水軍於石門以為深援還至彭城  
宋武令林子差次勲勤隨才授用

宋書曰高祖器其才智出仕以來便管軍要自非戎  
車所指未嘗外典

時宋文出鎮荊州議以林子及謝晦為藩佐宋武曰吾  
不可煩無二人林子行則晦不宜出乃以林子為西中  
郎中兵參軍領親興太守林子以行役久士有歸心乃  
深陳事宜并言聖王所以戒慎祇肅非常威立武實經

國長吐宜廣建藩屏明也宋文帝進鎮鎮隨府轉加加  
建威將軍河東太守時宋武以方隅未靜復欲親戎林  
子固諫宋武答曰吾輟當不復自行及踐阼以佐命功  
封漢壽縣伯固諫不許

宋書曰林子賞賜重疊皆散於親故家無餘財性又  
至孝遭母憂葬畢高祖不欲使哭泣或損逼與入省  
旦夕撫慰

永初三年卒

欽定四庫全書



宋書曰時上不豫羣公悉以實啟必有損動每見呼問輒荅疾病還家或有中旨亦假為其荅上尋崩竟不知也

追贈征南將軍元嘉二十五年諡曰懷少子璞嗣璞字道真童孺時神意閑審文帝召見奇璞應對謂林子曰非常兒也初除南平王鐸左常侍帝又引見謂之曰吾昔以弱年出藩卿家以親要輔輔今日之授意在不薄王家之事一以相委勿以國官乖清塗為罔上也元嘉

十七年始興王濬為揚州刺史寵愛殊異以為主簿  
冊府元龜曰濬雖日覽州事一以委璞文帝從容問  
璞曰沈璞才優才瞻文義可親且沉深守靜宜委以  
事引與語對璞嘗作舊宮賦久未畢濬問之璞因事  
陳答辭甚可觀也重與書曰昔聊相敦問遂斐然成  
翰下筆成章良謂逸才吾遠慙楚元門盈申白之賓  
近愧梁孝庭列枚馬之客

時順陽范曄為長史行舟事曄性頗疎帝謂璞曰濬弱

年臨州萬物皆屬耳目。曷性疎必多不同。卿腹心所寄當密以在意。彼雖行事其實卿也。璞以任遇既深所懷輒以密起每至施行必從中出。曷謂聖明留察深更恭慎而莫見其際也在職八年人無訪黜璞有力焉。二十二十學坐誅反誅州事一以付璞。固年既長璞固求辭事以璞為濬始興國大農累遷淮南太守。

宋書曰俄遷宣威將軍。所貽太守時王師北伐彭汴無虞。璞以強寇對陣事未可惻郡首淮隅道當衝要。

乃修城浚隍聚財石積鹽米為不可勝之筭衆咸不  
同朝旨亦謂為過俄酋主拓跋燾自率步騎數十萬  
陵踐六州京邑騷懼腹心觀璞還京師璞曰若賊大  
衆不眴小城故無所懼若肉薄來攻則成擒也諸軍  
何嘗見數十萬人聚一處而不敗者昆陽合沚前事  
明驗此吾報國之秋諸軍封侯之日衆見璞神色不  
異老幼在焉人情乃定收集得二千精手謂諸將曰  
足矣但恐不過爾賦既濟淮諸將毛遐祚胡崇之

戒證之等為鹵所覆無不殄盡惟輔國將軍臧盾挺身走收散卒千餘人來向城衆謂璞曰若不攻則無所事衆若其來也城中止可容見力爾地狹人多鮮不為患今閉門勿受不亦可乎璞嘆曰不然賊不能登城為諸君保之舟楫之計固已久息賊之殘害古今未有其中有福者不過得驅還北國作奴婢爾彼雖烏合寧不憚此耶所謂同舟而濟胡越不患異心也今人多則退速人少則退遲吾寧欲專功緩賊乎

乃命開命納盾質見城隍阻固人情輯和鮭米罷械  
山積大喜及賊至四面蟻集攻城璞與質隨宜應拒  
攻守三旬燾乃遁有議欲追之者璞曰今兵士不多  
又非素附雖固守有餘未可言伐但可整舟艦示若  
欲渡岨者以速其走計不須實行咸以為然臧質以  
璞城主使自上露板璞推功於質既不自上質露板  
亦不及太祖嘉璞功効徵還拜淮南太守賞賜豐厚  
朝士有言璞功者上曰沈璞以謙自牧惟恐賞之居



前此士燮之意也

三十年元凶弒立璞以奉迎之晚見弒

宋書曰元凶弒立璞號泣曰一門蒙殊常之恩而逢若斯之運悠悠上天此何人哉日夜憂歎以至動疾會二凶逼令送老弱還都璞性篤孝尋聞尊老應幽執轍哽咽不自勝疾遂增篤不堪遠送世祖義軍至界首方得致身先是瑯琊顏竣欲與璞交不納竣以致恨及世祖將至都竣譏璞逢迎之晚橫罹世難所

餘詩筆雜文凡二十首 愚按南史於此二事皆削  
不錄無乃以子傳父功未知而罪亦飾耶讀者辨之  
子約另見

宋書曰伯玉林之弟虔之子除世祖武陵國南中郎  
行叅軍以文義見知及世祖踐位累官衛尉丞世祖  
舊臣故佐普皆升顯伯玉雖有藩邸之舊一不造問  
由是官次不進上以伯玉容像似畫圖仲尼像呼為  
孔丘舊制駕出衛尉丞直門常戎服王景文與伯玉

有舊常陪輦出指伯玉白上孔丘奇形容於是特聽  
伯玉直門服玄衣出為晉安王子勛前軍叅軍事子  
勛即位以為中書侍郎及子勛敗伯玉下馬獄見原  
復累官太農解職卒

朱齡石字伯兒沛郡人世世為將伯父憲及斌並為西  
中郎袁真將佐桓溫伐真於壽陽真以憲兄弟潰遁溫  
並殺之齡石父綽逃歸溫壽陽平真已死綽職發棺戮  
尸溫怒將斬之溫弟冲苦請得免綽受冲更生之恩事

冲如父位西陽廣平太守及冲卒綽以歐血沒冲諸子  
遇齡石如兄弟齡石少好武不事宦檢舅淮南蔣氏才  
劣齡石使舅卧廳事翦紙方寸帖着舅枕以刀子懸擲  
之相去八九尺百擲百中舅畏齡石終不敢動舅頭有  
大瘤齡石伺眠密割之即死宋武克京城以為建武叅  
軍從至江乘將戰齡石言世受桓氏恩不容以兵刃相  
向乞在軍後宋武義而許之以為鎮軍叅軍遷武康令  
縣人姚係祖專為却郡縣畏不能討齡石至縣偽與親

厚召為參軍係祖恃強乃出應召齡石斬之掩其家悉殺其兄弟一部得清

宋書曰齡石潛結腹心知其居北塗徑乃邀與宴會叱左右斬之馳至家掩其不備莫得舉手

後領中兵齡石有武幹又練吏職宋武甚親委之平盧循有功

宋書曰盧循至石頭率敢死士數千人上南岸高祖遣齡石領鮮卑步稍過淮擊之率屬將士死戰殺數

## 百人賊乃退

為西陽太守義熙九年徙益州刺史為元帥伐蜀初宋武與齡石密謀進取曰劉敬宣往年出黃虎無功而退賊謂我今應從外水往而料我當出其不意猶從內水來必重兵守涪城以備內道若向黃虎正墮其計今以大衆自外水取成都疑兵出內外此制敵之奇也而虛此聲先馳賊審虛實別有函封付齡石署曰至白帝乃開諸軍雖進未知處分至白帝發書曰衆軍悉從外水

取成都臧嘉朱牧於中水廣漢使羸弱乘高艦十餘由  
內水向黃虎譙縱果備內水使其大將譙道福戍涪城  
遣其秦州刺史侯暉僕射譙詵等屯彭模夾水為城十  
年六月齡石至彭模

宋書曰諸將以北城險阻且衆多欲先攻其南齡石  
曰不然強寇在北今屠南城不足破北若盡銳破北  
壘則南城不虜自散

七月齡石率劉鍾嗣思等於北城斬侯暉譙詵

宋書曰仍麾軍圍南城即時散潰諸營以次土崩衆  
軍乃舍舟步進

朱牧至廣漢復破譙道福別軍譙縱奔涪城巴西人王  
志斬送之并獲道福斬於軍門宋武之伐蜀將謀元帥  
乃舉齡石象咸謂齡石資名尚輕虛不辨克論者甚衆  
不從乃分大軍之半令猛將勁卒悉配之臧嘉敬皇后  
弟資位久在齡石之右亦命受其節度及戰克捷衆咸  
服宋武知人又美齡石善於事以平蜀功封豐城侯十



四年桂陽公義真被徵以齡石為雍州刺史督關中諸軍事

宋書曰教齡石若關石必不可守可與義真俱歸

齡石至長安義真乃發義真敗於青泥齡石亦舉城奔走見殺

宋書曰龍驤將軍王敬先戍曹公壘齡石自潼關率餘衆就敬先而斷其水道衆渴不能戰城陷與敬先俱執送長安見殺

傳國至孫齊受禪國除齡石弟超石亦果銳雖出自將家兄弟並閑尺牘桓謙為衛將軍以補行參軍

宋書曰又叅何無忌輔國右軍軍事徐道覆破無忌得超石以為叅軍至石頭超石說其同舟人乘軍舸走歸高祖高祖善之

後為宋武徐州主簿收迎桓謙身首躬營殯葬義熙十二年北伐前石前鋒入河

宋書曰索綯主拓跋嗣乃姚興督命將統步騎十萬

屯河北救秦常有數千騎緣河隨大軍進止

時軍人緣河南岸牽百丈有漂度北岸者輒為魏軍所殺略宋武遣白真隊主丁晬率七百人及車百乘於河岸岸為却月陣兩頭抱河車置七仗士事畢使豎一長白牦魏軍不解其意並未動先先命超石戒嚴白牦既舉超石赴之并齋大弩百張一車益三十人設彭排於轅上魏軍見營陣立乃進圍營超石先以弱弓小箭射之魏軍以衆以兵弱四面俱至魏明元帝又遣南平公

長孫嵩率三萬騎肉薄攻營乃百弩俱發魏軍既多弩不能制趙石初行別齎大槌并千餘張稍長三四尺以槌槌之一稍輟洞貫三四人魏軍不能當遂潰

宋書曰臨陣斬青敕州刺史阿薄干趙石率胡蕃等追之復為所圍奮擊盡日殺酋千計乃退走

大軍進克蒲坂以趙石為河東太守後除中書侍郎封興平縣五等侯關中亂帝遣趙石慰勞河洛與齡石俱沒於憂赫連勃勃殺之

毛修之字敬文樂陽陽武人祖虎生伯父璩並益州刺史父瑾梁秦二州刺史

宋書曰修之有大志頗讀史籍又解音律善騎射

修之仕桓玄為屯騎校尉隨玄西奔玄欲奔漢川修之誘令入蜀焉遷新玄於枚泗州修之力也宋武以為鎮軍諮議遷右衛將軍既有新玄之謀又父伯並在蜀宋武欲引為外助故頻加榮爵及父瑾為熊縱所殺表修之為龍驤將軍配兵遣令奔赴時益州刺史鮑陋不肯

進討修之言狀

宋書載其表曰臣之情地已無生理可以保以僭命  
朝露者底憑天威誅夸醜遂自提戈西赴備當時難  
遂使齊斧停柯救豎假息誠由經路有躋亦緣制不  
自己撫影窮號泣望西路益州刺史陋始以四月二  
十九日達巴東頓白帝可乘之機宜踐投袂之約屢  
愆臣雖效死寇庭而理絕救援是以東骸載馳訢究  
象魏昔宋害申丹楚莊有遺履之愆况忘家殉國歟

有臣門節冠風霜人所驚悼伍員不虧君義而申包  
不忘國艱俟會佇鋒因時乃發此臣所以仰辰極而  
希照眷西土以洒泪也乞借金紫寵私之榮賜以鷹  
揚折衝之號要當躬先士卒身馳賊庭手斬凶醜以  
抒莫大之蒙然後就死之日即化如歸閔門靈爽豈  
不謝先帝於玄宮高祖哀其情實

宋武乃令冠軍將軍劉敬宣伐蜀無功而退譙縱由此  
遂修之父伯及中表喪柩口累並得還後劉毅西鎮江

陵以為衛軍司馬南郡太守修之雖為毅將佐而深結於宋武及毅敗見宥

宋書曰高祖攻毅先遣王鎮惡襲江陵修之與諮議參軍任集之並力戰高祖宥之

時遣朱齡石伐蜀修之固求行宋武虛修之至蜀多所誅殺且土人既與毛氏有嫌亦當以死自固不許修之不信鬼神所至必焚房廟時蔣山廟中有好牛馬並奪取之累遷相國右司馬行司州事戍洛陽好立城壘及



宋武至履行其所善之賜衣服玩好當時評直二十萬  
王鎮惡遇害修之代為安西司馬桂陽公義真敗為夏  
赫連勃勃所擒

宋書曰修之與義真相失走相免矣有已上以右衛  
軍人魯為修之所罰者以戟刺以傷頭而陸遂被擒  
及赫連昌滅入魏修之在洛敬事嵩高道士寇謙之謙  
之為魏太武帝信敬營護之故不死修之嘗為羊羔薦  
魏尚書尚書以為絕味獻之太武太武大悅以為大官

令被寵遂為尚書光祿大夫封南郡公大官令常如故  
後朱修之俘於魏亦見寵修之問朱修之南國當權者  
為誰答云殷景仁修之笑曰吾昔在南景仁尚幼少我  
得歸罪之日便當巾幘到門經年不忍問家消息久之  
乃訪焉修之具答并言賢子元矯甚能自處修之悲不  
得言直視良久乃長嘆曰嗚呼自此一不復及初北人  
去來言修之勸魏侵邊并教以言南禮制文帝甚疑責  
之朱修之後得還具相申理帝意乃釋修之在魏多畜

妻妾男女甚衆遂卒於魏孫惠素仕齊為少府卿性至孝母服除後更修母所在處牀帳屏帷每月朔望向惟悲泣傍人為之感復終身如此惠素吏才彊濟而臨事清刻教市銅官碧青一千二百斤供御盡用錢六十五萬有譏惠素納利武帝恕敕尚書評價有司奏其侵欺二十八萬餘被誅惠素沒後家徒四壁帝帝其無罪甚悔恨之

外有毛德祖以同姓故附見宋書索鹵傳曰德祖榮

陽南武陽人初為冠軍參軍後為武帝大尉參軍武帝北伐姚泓以為王鎮惡龍驤司馬為鎮惡前鋒斬泓寧朔將軍趙玄石於栢谷又破其大師姚難於涇水斬其鎮北將軍姚弼鎮惡克立大功德祖力也武帝踐阼論前後功封觀陽縣男又除督司雍并三州豫州之潁州兗州之陳留將軍事司州敕史永初三年武帝崩鹵主拓跋嗣南寇滑臺戍主東郡太守王景度馳告德祖戍虎牢於城東南五里守鹵將公孫

表普幾以萬五千騎向虎牢於城東南五里結營分步騎自成羣開向虎牢外郭西門德祖逆擊殺傷百餘人又於城內穴城八七丈二道出城外又分作六道出西陣後募敢死士四百人參軍范道基率二百人前驅參軍敦王符劉規等以二百人後繼出西衛外掩其後西衆擾亂斬首數百焚其攻攻具西退散隨復更合德祖出兵擊表大戰從朝至晡殺西數百會表兵從許昌還合圍大祖大敗失甲士千餘退

還固城嗣又遣并州刺史伊樓拔助表攻虎牢填塞  
兩塹德祖阻方抗拒頗殺鹵而將士稍零落又自率  
大衆至虎牢停三日自督攻城不能下遂回軍向洛  
而虜之安平公又率諸軍就表共攻虎牢虎牢被圍  
二百日無日不戰德祖勦兵戰死殆盡而鹵增兵轉  
多鹵撞外城德祖於內更築三重仍舊為四鹵撞三  
城已毀止保一城晝夜相拒將士眼目皆生創死者  
半德祖思德素結衆無離心又昔在北與鹵將公孫

表有舊表有權畧德祖患之乃與交通音問密遣人說其大將奚斤云表與之連謀每答表書輒多所治定表以書示斤斤疑之言於嗣誅表由衆盛檀道濟諸救軍並不敢進劉粹據項城沈狸屯高橋由作地道偷城內井井深四十丈山勢峻峭不可得防人馬渴乏饑疫體皆乾燥被瘡者不復出血由因急攻遂克虎牢自德祖及諸將佐及郡守內者守者皆見囚執惟上黨太守劉談之叅軍范道基將二百人突圍

城還城將潰將士欲扶德祖出奔德祖曰我與此城并命義不使此城亡而身在也嗣重其固守之節勸衆軍生致之致得不死後卒於幽

朱修之守恭祖義陽平氏人父謨益州刺史修之初為州生簿宋元嘉中累遷司徒從事中郎文帝謂曰卿曾祖燾昔為王導丞相中郎卿今又為王弘中郎可謂不忝爾祖矣後隨右軍到彥之北侵彥之自河南回修之留戍滑臺為魏將吉頡攻圍糧盡將士熏鼠食之修之



被圍既久母常悲憂忽一旦乳汁驚出母號慟告家人  
曰我年老非復有乳汁時今如此兒必浸矣魏果以其  
日克滑臺囚之太武嘉其固守以為雲中鎮將妻以宗  
室女修之潛謀南歸妻疑之每流涕謂曰觀君無停意  
何不告我以實義不相負修之深嘉其義而不告也及  
太武伐北燕馮弘修之及同沒人刑懷明並從又有徐  
卓者亦沒魏復欲率南人竊發事泄被害修之懷明懷  
禍同奔馮弘不見禮待一年會宋使至修之名位素顯

傳詔見便拜彼國敬傳詔呼為天子邊人及見其致敬  
始禮之時魏屢伐黃龍弘遣使求救修之乃使傳詔說  
而遣之泛海未至東萊遇風猛舫挫折海師慮向海北  
垂長索舫乃正海師視上有鳥飛知去岸不遠須臾至  
東萊及至以黃門侍郎孝武初累遷寧蠻校尉雍州刺  
史加都督修之政在寬簡士庶悅附及荊州牧史南郡  
王義宣叛檄脩之舉兵雍土時饑修之偽與同既遣使  
陳惟於孝武帝嘉之以為荊州刺史擊襄陽修之命斷

馬鞍三道秀不得前乃退修之率衆向江陵竺起已執  
義宣修之於獄殺之以功封南昌縣侯修之立身清約  
百貺貺贈一無所受唯以蠻人宜存撫納有餉皆受得  
輟與佐史賄之未嘗入已去鎮日秋毫無犯計在州已  
來然油及私牛馬食官穀草以私錢六十萬償之而儉  
刻無潤薄於恩情姊在鄉里饑寒不立修之責為刺史  
未曾供贍往姊家姊為設菜羹麤飯澂之修之曰此貧  
家好食進以致飽先是親野庾彥達為益州刺史攜姊

之鎮資給供奉中分秩祿西土稱焉修之後拜左民尚  
書鎮軍將軍至建鄴牛奔墜車折足乃辭尚書徒崇憲  
太僕仍加特進金紫光祿大夫足疾不堪獨行每見特  
給扶持卒諡貞

王玄謨字彥德太原祈人居青州父秀早卒玄謨幼而  
不羣世父粲有知人鑒常笑曰此兒氣概高亮有太尉  
彥雲之風宋武臨徐州辟為從事史與語異之少帝末  
謝晦為荊州請為南蠻行叅軍武寧太守晦敗以非大

師見原元嘉中補長沙王義欣鎮軍中兵叅軍領汝陰太守每陳北侵之規

宋書載玄謨疏曰王途始開隨復淪塞非惟天時抑亦人事虎牢滑臺失守豈惟將不良抑亦本不固本之不固皆緣民憚遠役臣請以西陽之魯陽襄陽之南鄉發甲卒分為兩道直趨清澗征士無遠徭之思吏民有屢休之歌若欲以東國之衆經營勞落道途既遠獨客實難

帝謂殷景仁曰聞王玄謨陳說使人有封狼居胥意後  
為興安侯義賓輔國司馬彭城太守義賓薨玄謨上表  
以彭城要兼水陸請以皇子撫臨州政以以孝武出鎮  
及大舉北侵以玄謨水寧朔將軍前鋒入河受國將將  
軍蕭斌節度軍至碣磔戍主奔走進向滑臺圍城二百  
餘日積旬不克魏太武自來救之衆號百萬鼓鞀之聲  
震動天地玄謨之行也衆力不少器械精嚴而專仗所  
見多行所戮初圍城城內多茅屋衆求以箭火焚之玄

謨曰損亡軍實不聽城中即撤壞之空地為窟室及魏  
救將至衆請發車馬營又不從將士並懷離怨又營利  
利一尺布責人八百梨以此倍失人心及太武軍至乃  
夜遁麾下散亡略盡蕭斌將斬之沈慶之固諫曰佛狸  
威震天下控弦百萬豈玄謨所能當殺戰將以自弱非  
良計也斌乃止

本史曰初玄謨將見殺夢人告曰誦觀世音千遍則  
免玄謨夢中曰何可竟也乃見授既覺誦之且得千

偏明日將刑誦之不輟忽傳唱停刑

遣代守碣磔江夏王義恭為征討都督以碣磔沙城不可守召還為魏軍所追大破之流矢中臂二十八年正月至至歷城義恭與元謨書聞因敗為成臂上金創將非金印之徵耶元凶殺立以玄謨為冀州刺史孝武伐逆元謨遺濟南太守垣護之等將兵赴義事平除徐州刺史加都督及南郡王義宣與江州刺史臧質叛朝廷假玄輔輔國將軍為前鋒南討拜豫州刺史質尋至大



破之

宋書曰軍屯梁山夾岸築堰月壘水陸待之臧質陳  
軍城南玄謨留老弱守城悉精兵接戰賊太潰

加都督封曲江縣侯中軍司馬劉沖之白帝言玄謨在  
梁山與義宣通謀檢雖無實帝意不能明使有司奏玄  
謨沒匿所得賊寶物虛張戰簿與徐州垣獲之護之並  
免官尋為寧蠻校尉雍州刺史加督督雍土多諸僑寓  
玄謨上言所統僑郡無有境土新舊錯亂租課不時宜

宜并合見許乃省并郡縣自此便之百姓當時不願屬籍

南史語意不明及考宋書則謂雍土多僑寓玄謨請土斷流民當時百姓不願屬籍罷之當從宋書

其年玄謨又令九品以上租使貧富相通境內莫不嗟怨人間訛玄玄訛欲反時柳元景當權元景弟僧景為新城大守以元景之勢制令雍州南陽順陽上庸新城諸郡並發兵討玄謨玄謨令內外雍土南解衆惑馳啟

帝具陳本末帝知其虛馳遣主書吳喜公慰撫之又答  
曰玄謨欲明白之日七十老公反欲何求

宋書無此三語但云梁山風塵初不介意君臣之際  
過足相保

聊復為笑想足申卿眉頭耳玄謨性嚴未曾妄笑時人  
言玄謨眉頭未申申故此見戲後金紫光祿大夫領太  
常及建明堂以本官領起部尚書又領北選帝狎侮  
羣臣各有稱目多鬚者謂之羊短長肥瘦皆有比擬顏

師伯缺齒號之曰鵠劉秀之儉嗟呼為老慳黃門侍郎  
宗靈秀軀體肥壯拜起艱難每一集會輒於坐賜靈秀  
器服飲食前欲相斷欲其占謝傾路以為歡笑又刻木  
作高秀父光祿勳叔獻像送其家廳事柳元景垣獲之  
雖並北人而玄謨獨受老僮之目凡諸稱為四方書疏  
亦如之嘗為玄謨作四時詩曰堇茹供春膳栗漿充夏  
食爬醬調秋菜白醪解冬寒又罷一崑崙奴子名白主  
常在左右令以杖擊羣臣自柳元景以下皆罹其毒玄

謨尋尋徐州刺史加都督時北至土災饑乃散私穀十斛牛千頭賑之帝崩與羣公俱被顧命朝政多門立謨以嚴直不容徙青冀二州刺史加都督少帝害顏師伯柳元景等狂悖滋甚以領軍徵立謨子侄咸勸稱疾立謨曰避難苟免既乖事君之節且吾荷先朝厚恩彌不得還巡及至屢表諫諍又流涕請緩刑去殺以安元元之命少帝大怒明帝即位禮遇益崇時四方皆叛立謨鎮水軍前鋒南討以足疾未差聽乘輿出入尋除車

騎大將軍江州刺史副司徒建安王休仁於赭圻賜以  
諸葛亮笥袖鎧頃之以為左光祿大夫開府儀同三司  
領護軍將軍遷南豫州刺史加都督

宋書曰玄謨性屢刻少恩而將軍宗越馭下更苛酷  
軍士為語曰寧作五年徒不逢王玄謨玄謨猶自可  
宗越更殺我

卒年八十二謚曰莊子深早卒孫續嗣深弟寬泰始為  
為隨郡太守逢四方叛父玄謨在建鄴寬棄郡自歸明

帝嘉賞之使隨張永攻薛安都寬以母在西為賊所執  
請西行遂襲破隨張永攻薛安都寬以嘉之使圖寬形  
以上齊永明元年為太常坐於宅殺牛免官後卒於光  
祿大夫寬弟瞻負氣傲俗好貶裁人物仕宋為王府參  
軍嘗詣劉秉直登榻曰君侯是公孫僕是公子引滿促  
膝唯余二人秉外跡雖酬之意甚不悅齊豫章王嶷少  
時早與瞻友瞻常候嶷高論齊武時以嶷兄在大牀寢  
瞻謂嶷曰帳中人物亦復隨人寢興嶷言次忽問王景

文兄楷賢遇何如殷道矜瞻曰卿遂復言他人兄邪齊武帝笑稱嶷小名曰多王汝兄愚耶得忽來王參軍此句瞻因曰直恐如君來談齊武銜之未嘗形色後歷黃門侍郎及齊建元初瞻為永嘉太守詣闕跪拜不如儀武帝時為太子召入東宮仍送付廷尉殺之命左右啟高帝曰父辱子死王瞻傲朝廷臣輟已收之高帝曰此何足計及聞瞻已死乃默無言從弟從弟玄象位下邳太守好發冢地無完槨人間垣內有小塚墳上殆平每



朝日初升見一女子立冢上近視則亡或以告玄象便命發之有一棺尚全有金蠶銅人以百數剖棺見一女子年可二十姿質若生卧而言曰我東海王家女應生資財相奉幸勿見害女臂有玉釧破冢者斬臂取之於是女復死玄謨時為徐州刺史以事上聞玄謨坐象郡玄載字彥休玄謨從弟父魏東莞太守玄載仕宋仕益州刺史沈攸之之難玄載起義送誠於齊高

以宋臣送誠於道成何云起義乃踵齊書之謬

封鄆縣子齊建元元年為左殿尚書永明四年位兗川  
刺史卒官謚列子玄載弟玄邈字彥遠仕宋位青州刺  
史

宋書曰玄載初為幽州刺史青州刺史沈文秀叛玄  
邈欲向朝廷慮相掩襲乃詣文秀求安軍頓文秀令  
頓城外玄邈即立營壘至夜拔軍南奔比曉文秀追  
不復及

齊高於宋時鎮淮陰為宋明帝所疑遣書結玄邈玄邈

長史房叔安進曰夫布衣韋帶之士銜一餐而不忘義使之然也今將軍居方州之重託臣臣之義無故舉忠義無故之三齊之士寧蹈東海死耳不敢隨將軍也玄邀意乃定仍使叔安答曰寡君使表上天下不上將軍且僕之所言利國家而不利將軍無所應問苟伯玉勸殺之齊高曰物各為主無所責也玄邀罷州還齊高途中還之玄邀嚴軍直過還都啟宋明帝稱齊高有異謀齊高不恨也昇明中齊高引為騎騎司馬太山太守玄

邈甚懼齊高待之如初再遷西戎校尉梁南秦二州刺史作亂陽縣侯兄弟同時為方伯齊建元初亡命奪烏奴作亂梁部玄邈使人偽降烏奴告之曰王使君兵弱棄伎妾城內搗愛妾二人已去矣烏奴告之曰王使城玄邈奇兵破之高帝聞之曰玄邈果不負朕延興元年為中護軍明帝執政使玄邈往江州殺晉安王子懋玄邈若辭不行及遣王廣之往廣陵取安陸王子敬玄邈不得已奉旨建武中卒於護軍贈雍州刺史年七十二

謚曰壯叔安字子仁清河人高帝即位懷其忠正時為  
益州刺史寧蜀太守就拜前將軍方用為梁州會病卒  
帝嘆曰叔安節義古人中求之之恨不至方伯而終子  
長子亦有義行永明中為州中從事

論曰自晉室播遷來宅楊越關邊遙阻汧隴遐荒區甸  
分其內外山川判其表裏桓溫一代英人志移晉鼎自  
非兵屈灞上戰血枋頭則光宅之運中年允集宋武帝  
崛起布衣非籍人舉一旦驅率烏合奄興霸緒功雖有

餘而德猶未洽非樹奇功於難立震大威於四海則不能成配天之業一異同之心及金墉請吏元勳既立猶欲跨功桓氏取高昔人於是觀兵崤渭陳師天險及靈威薄震重關自闕故知英算所包先勝而後戰也

宋書云地未闕於東晉威獨震於江南然後可以變國志愜民心撫陽運而膺寶策豈不知秦川不足供養百二難以傳後哉舉咸陽而業之非失算也

王鎮惡推鋒直指前無彊陣為宋方叔其壯美乎朱齡

石起石毛修之傳弘之等以歸衆難固之情逢英勇乘  
機之運遂至顛陷為不幸矣修之滑臺之守有疎勒之  
難苟城郭在焉所在為重其取榮北國豈徒然哉終假  
道如歸而中義也玄謨封狼之心雖簡帝念然天方  
相繼入難支宋氏以三吳弱卒當八州勁勇欲以邀  
勝亦難乎處境亡師固其宜也觀沈慶之言可謂達  
於時變瞻傲很不侮卒至亡軀然齊武追恨魚服匹  
懼矣玄邀行已之入有士君子之風乎





南北史合注卷十七